

# Канон святой великомученице Екатерине

Память празднуем 24 ноября (7 декабря)

Глас 8-й

## Песнь 1

**Ирмос:** Колесницегонителя фараона погрузи чудотворяй иногда Моисейский жезл, крестообразно поразив и разделив море: Израиля же беглеца пешеходца спасе, песнь Бóгови воспевающа.

Припев: Свята́я великомученице Екатери́но, моли́ Бóга о нас.

Екатери́ны, всему́дрыя му́ченицы моли́твами, Христé, мра́чное о́ко души́ моея́ просвети́, зарю́ ми дай, Влады́ко, Твоего́ светолития, душетлénных падéний мо́их весь мрак потребляющую.

Свята́я великомученице Екатери́но, моли́ Бóга о нас.

Направля́ема Влады́ки, всему́драя, божéственными повелéнии и Того́ любóвию пали́ма, потекла́ еси́, к по́двигом тща́щися, и мучи́телей ра́зумы, Екатери́но, устраши́ла еси́ слóвом, и му́дростию, и благодáтию.

Свята́я великомученице Екатери́но, моли́ Бóга о нас.

Управля́ема длáнию, сла́вная, крéпкою Христóвою, идо́льския бу́ри избéгла еси́, му́ченице, немóкренно преплы́вши Креста́ вéтрилом и божéственными вéтры Духа, песнь Бóгу воспева́ющи.

**Слава:** Ра́дующися дéвственными добрóтами, Екатери́но му́драя, и божéственное знáние с небесé иму́щи, лжеимéннаго знáния благодерзновéнно и му́жественно предстáтели посрамíла еси́, ты́я держáвне победíвши.

**И ныне:** Иже Богороди́цу Тя проповéдует, Пречи́стая, вся́кия е́реси отриновéние има́ть: плоть бо бы́вша, неизмéнно родила́ еси́ превы́шша вся́кия, Богороди́тельнице, тва́ри Сло́во Бóжие присносу́щное.

Моли́ Бóга о нас, свята́я великомученице Екатери́но, я́ко мы усéрдно к тебе́ прибега́ем, ско́рой помо́щнице и моли́твеннице о

душáх нáших. (Поклон.)

### Песнь 3

**Ирмос:** Утверждéй в началé Небесá рáзумом, и зéмлю на водах основáвый, на кáмени мя, Христé, заповедей Твои́х утверди́, я́ко несть свят пáче Тебé, еди́не Человеколю́бче.

Святáя великомúченице Екатери́но, моли́ Бóга о нас.

Во́льными твои́ми стремлénьми вошла́ еси́ ко страдáнию, во́лею Христа́ подража́ющи и победивши́ свéтло тьмы миродéржца, венценóсица яв́илася еси́, Екатери́но богоприятная.

Святáя великомúченице Екатери́но, моли́ Бóга о нас.

Крéпостию умá облич́ила еси́ мучи́тели, безбóжия в глубинé валя́ющиеся, рíторствующи я́ве богознáния догмáты, Бóжиею мúдростию мúченица уясня́ема всехвáльная.

**Слава:** Равнобóжие во úши Евине пошептáвый, от отрокови́цы млады́я ны́не попира́ется, ору́жием бо Крестá оградивши́ся, посрами́ Екатери́на мúченица безмéрно тогó хвáлящаяся.

**И ныне:** Умерщвлéнный мой ум, жízни дéйством из Тебé явльши́йся мíру воздвигни́, я́звы и стру́пы истребля́ющи грехóвныя, еди́на Богороди́тельнице всенепорóчная.

Моли́ Бóга о нас, святáя великомúченице Екатери́но, я́ко мы усéрдно к тебé прибега́ем, скóрой помóщнице и моли́твеннице о душáх нáших. (Поклон.)

Гóсподи помíлуй. (Трижды.)

### Седален, глас 4-й

Женихá твоегó, Христа́, возлюб́ивши, свещу́ твою́ светлó уготóвльши, добродéтельми просия́вши, славная. Тémже вошла́ еси́ с Ним в чертóг и, венéц страдáния от Негó приéмши, от бед избáви нас, соверша́ющих, Екатери́но, пáмять твою́.

**Слава:** Лик состав́им духо́вно, братие, премúдрыя дóбрыя мúченицы Екатери́ны вéрно, Гóсподеви взыва́юще: сла́ва Ти, просвещáя сердца́ челове́ча, сла́ва Ти, почтýй дóблюю в

страстѣх. Тоѣ моли́твами, Христе́ Бо́же, спаси́ ду́ши на́ша.

**И ныне: Богородичен.** Сло́во Отче́е Христа́ Бо́га на́шего, из Тебе́ воплотѣ́вшагося, позна́хом, Богоро́дице Де́во, еди́на Чи́стая, еди́на Благослове́нная. Тем непреста́нно Тя воспева́юще велича́ем.

### **Песнь 4**

**Ирмос:** Ты моя крѣпость, Го́споди, Ты моя́ и си́ла, Ты мой Бог, Ты моѣ ра́дование, не оста́вь нѣдра о́тча, и на́шу нищету́ посети́в. Тем с проро́ком Авваку́мом зову́ Ти: си́ле Твое́й сла́ва, Человеколю́бче.

Свята́я великомученице Екатери́но, моли́ Бо́га о нас.

Страда́льческое, Екатери́но, противле́ние показа́ла еси́, мученице приснопáмятная, вражде́бнику зело́ терпели́во противля́ющися, и того́ попра́вши но́гама кра́сными, Креста́ си́лою, страстоно́сице, мучеников похва́ла.

Свята́я великомученице Екатери́но, моли́ Бо́га о нас.

Невѣста Христо́ва, Екатери́но всеблаже́нная, яви́лася еси́, божѣ́ственныя красото́й светови́дными луча́ми просвещáема и добро́тою сия́ющи. Те́мже и, веселя́щися, песнопо́еши Влады́це: си́ле Твое́й сла́ва, Человекелю́бче.

Свята́я великомученице Екатери́но, моли́ Бо́га о нас.

Мучи́тельскую горды́ню низложи́ла еси́, и божѣ́ственным сло́вом му́дрости твоея́, я́ко от глубины́ лѣснаго демоноговѣ́ния, прельща́емая исхитила еси́, уча́щи зва́ти Христу́ песнопо́ющия: си́ле Твое́й сла́ва, Человеколю́бче.

**Слава:** Благосла́вное и светоно́сное торже́ство сла́вныя па́мяти твоея́, всехва́льная, крѣ́пко дѣ́рзость вра́жию попра́вши, я́ко со́лнце возсия́, в не́мже велегла́сно Влады́це вопи́ем: си́ле Твое́й сла́ва, Человеколю́бче.

**И ныне:** Ны́не крѣ́пость низложѣ́ отмета́ющихсѣ о́браза, Отрокови́це, поклонѣ́ния Тебе́, Чи́стыя, и па́че ума́ из Тебе́ воплоще́ннаго, и мир весь просвѣ́щаго, и всех святы́х. Вѣрою же чту́щия Тя просвети́, еди́на Всепѣ́тая.

Моли́ Бо́га о нас, святáя великомúченице Екaтерíно, я́ко мы усéрдно к тебé прибега́ем, скóрой помóщнице и моли́твеннице о душа́х нáших. (Поклон.)

## Песнь 5

*Ирмос:* Вскúю мя отрíнул есí от лица́ Твоегó, Свéте незаходíмый, и покрýла мя есть чúждая тьма, окая́ннаго? Но обрати́ мя, и к свéту заповедей Твои́х пути́ моя́ напра́ви, молю́ся.

Святáя великомúченице Екaтерíно, моли́ Бо́га о нас.

Любóвию огнепалíма, мúченице всеслáвная, Влады́ки твоегó, и и́щущи Тогó недомы́сленную добрóту видети, самовóльным нра́вом рáнам себé вдalá есí, дéвства сия́ющи благодáтьми.

Святáя великомúченице Екaтерíно, моли́ Бо́га о нас.

Страстьми́ свящéнейшими, отрокови́це добродéво, украсíвши Тебé самúю благолéпно, возшла́ есí к небéсному Христóву черто́гу, и ны́не свéтло твоемú Женихú веселя́щихся сочетáлася есí, всеблажéнная.

*Слава:* Отрокови́ца всесвéтлая явíлася есí, возлюбíвши едíнаго желáемаго, и во след Тогó крепчáйшее течéние совершíвши, в воню́ мíра Твоегó умнаго истощéннаго, вопия́ла есí: текú, Женише́ мой.

*И ныне:* Истинную Богороди́цу Тя вси познáвше, Пречíстая Влады́чице, из Тебé рóждагося Бо́га Сло́ва ведя́ще, проповéдаем во двух существáх, хотéниих самовлáстных познавáема, Мáти Богоневéстная.

Моли́ Бо́га о нас, святáя великомúченице Екaтерíно, я́ко мы усéрдно к тебé прибега́ем, скóрой помóщнице и моли́твеннице о душа́х нáших. (Поклон.)

## Песнь 6

*Ирмос:* Бэ́дна грехóв и прегрешéний бúря мя смущáет, и во глубинú нúжднаго рéет мя отчáяния, но Твою́ крéпкую рúку мне прострí я́ко Петрóви, о Упрáвителю, и спасí.

Святáя великомúченице Екaтерíно, моли́ Бо́га о нас.

Всю тя, добро́тою сия́юще, дѣвства заре́ю, мученическими же, отрокови́це, обагрѣну кровью́, ви́дев, благо́е Сло́во и пречи́стое в черто́зех небѣсных тя всели́.

Святáя великомученице Екатери́но, моли́ Бо́га о нас.

Возмогла́ еси́ Крестомъ, мучителей разруши́ти держа́ву, и мирскія му́дрости обличивши суету́, богодухнове́ннаго учѣния точа́щи догматы, велемудренна́я Екатери́но приснопа́мятная.

*Слава:* Лѣстию пѣрвее Ада́ма райскія сла́дости изгна́вшаго, ран болѣзни крѣпко терпя́щи, низложи́ла еси́ на зѣмлю, мученице всесла́вная, и венцы́ Царствія венча́лася еси́.

*И ныне:* Милостива́ мне Судию́ и Сы́на Твоего́, Богороди́це Дѣво, Твоими́ мольба́ми бы́ти в день Суда́, Избáвителя же лю́тых, Ма́ти, сотвори́, к Тебе́ бо еди́ной наде́жды возлага́ю.

Моли́ Бо́га о нас, святáя великомученице Екатери́но, я́ко мы усѣрдно к тебе́ прибега́ем, ско́рой помощнице и моли́твеннице о душа́х на́ших. (*Поклон.*)

### *Кондак, глас 2-й*

Лик честный божественне, мучениколю́бцы, воздвигните ны́не, почита́юще всему́друю Екатери́ну: сия́ бо в трі́зници Христа́ проповѣда, и змѣя попрá, рѣторов рáзумы укротивши.

### *Икос*

От Бо́га му́дрость при́мши издѣтства, мученице, и внѣшнюю до́бре му́дрость всю извы́че, позна́вши у́бо от тоя́ стихій дви́жение же и творѣние по сло́ву, и сия́ из нача́ла сло́вом сотво́ршаго, Тому́ благодарѣние в но́щи и во дни приноша́ше, и́долы низложивши и сим несмы́сленно служа́щия, рѣторов рáзумы укротивши.

### *Песнь 7*

*Ирмос:* Божія́ снизхождѣ́ния огонь устыдѣ́ся в Вавилóне иногда́, сегó́ ра́ди о́троцы в пещи́ ра́дованною ного́ю, я́ко во цвѣтнице лику́юще, пояху: благословѣ́н еси́, Бо́же о́тец на́ших.

Святая великомученице Екатерино, моли Бога о нас.

Мучеников хвала, благочестия учительница была еси, светлому твоему Жениху мучеников множество приведши, Христу. С нимиже зовещи, всехвальная, поющи: благословен Бог отец наших.

Святая великомученице Екатерино, моли Бога о нас.

Слово твое премудрое ко спасению многи исхити от идолонействовства, и светоносны яви мученики, велегласно с тобою взывающия: благословен Бог отец наших.

Слава: Отроковица, в след Тебе идущи, Тебе приведеса, мечем посечена, Твою подражаючи страсть пречистую и Тебе, Зиждителю, вопиючи и глаголющи: благословен Бог отец наших.

И ныне: Святых Святый, в Тебе свято вселився, чистая Богородице Дево, воплощен, из Тебе раждается, за еже спасти верою зовущия: благословен Бог отец наших.

Моли Бога о нас, святая великомученице Екатерино, яко мы усердно к тебе прибегаем, скорой помощнице и молитвеннице о душах наших. (Поклон.)

## Песнь 8

Ирмос: Седмерицею пещь халдейский мучитель благочестивым неистовно разжже, силою же лучшею спасены сия виде, Творцу и Избавителю вопиаше: отроцы, благословите, священницы, воспойте, людие, превозносите во вся веки.

Святая великомученице Екатерино, моли Бога о нас.

Твоими учении царица верующи, притече ко благочестию, и крепко претерпевши болезней чувство, и Царствия Небеснаго явственно сподобися, вопиючи Владыце: священницы, благословите, людие, превозносите во вся веки.

Святая великомученице Екатерино, моли Бога о нас.

С мученики да будут верных прошения, страстотерпица бо Христу предстоит, просящи лучшая и спасения ходатайственная, всесвятую и честную ея память усердно

совершающим, и верно песнопующим: людие, превозносите Христа во веки.

Святая великомученице Екатерино, моли Бога о нас.

Отверз прие́млет тя Жени́х, всему́драя, двéри райския, и в черто́зе всесвѣтлем обита́ти сотвори́, Ца́рствия прича́стницу, я́ко сообщницу страсте́й явля́ет. Ему́же ны́не предстоя́щи, Ца́рева дщи, свѣтло укра́шена, нас не забу́ди.

*Слава:* Ухищре́нными глаго́лы искуша́ше мучи́тель, и уветливосло́вно, лю́тый, льстя, разсла́бити твою́ крѣпость надѣяв́ся, сла́вная. Но уневѣстити́ся Христу́ хотя́щи, вопия́ла еси́ Влады́це: священни́цы, воспойте, людие, превозносите Христа́ во веки.

*И ны́не:* Свяще́нейши была́ еси́, Богоро́дице Всенепоро́чная, премирна́го Ангелов чи́на: сих бо родила́ еси́ Содѣтеля и Го́спода от дѣвственны́я и неискусобра́чныя утробы́, во двух существа́х неслия́нно и невращо́но, во еди́ной же ипостáси Бо́га воплоще́нна.

Моли́ Бо́га о нас, святая́ великомученице Екатерино, я́ко мы усѣ́рдно к тебѣ́ прибега́ем, ско́рой помо́щнице и моли́твеннице о душа́х на́ших. (Поклон.)

## Песнь 9

*Ирмос:* Ужасѣ́ся о сем не́бо, и земли́ удиви́шася концы́, я́ко Бог яви́ся челове́ком плóтски, и чре́во Твое́ бысть пространнейшее небѣ́с. Тем Тя, Богоро́дицу, Ангелов и челове́к чиновача́лия велича́ют.

Святая́ великомученице Екатерино, моли́ Бо́га о нас.

Преста́вилася еси́ к черто́гам светови́дным, невѣстными укра́шена у́тварми, дѣвственную иму́щи свещу́ в твоёй десни́це, в друго́й же держа́щи отсече́нную твою́ главу́. И ны́не, предстоя́щи Христу́, твоему́ Жениху́, ты пою́щия сохрани́.

Святая́ великомученице Екатерино, моли́ Бо́га о нас.

При́ятна бысть твоя́, богому́драя, моли́тва, ве́рою бо твоё имену́ющия и́мя, честна́я, спаса́ет Влады́ка от искуше́ний и

благоздрáвие подаёт, недúгов избавляя всеразлúчных, душéвных же и телéсных. Тем тя, веселящеся Екатери́но, ублажа́ем.

Святáя великомúченице Екатери́но, моли́ Бóга о нас.

Приста́ла еси́ тúхому приста́нищу ны́не благоприя́тно же и легко́ мо́ре мирско́е, мúченице, преплы́вши треволне́ний; не иску́сившия, всемúдрая, богáтство многоразлúчное Христу́ принося́щи, де́во, мно́жество мúченик, Екатери́но всеблаже́нная.

**Слава:** В черто́зех небéсных ны́не внутрь с де́вственных ли́ки ликовству́ючи, мúченическими озаря́ема лучáми, Екатери́но всемúдрая, разреши́ падéний мо́их плени́цы, усéрдно моля́щи всех Благоде́теля, за Егóже кровь твою́ излия́ла еси́.

**И ны́не:** Яви́лася еси́, о Де́во Ма́ти Бóжия, па́че естества́ ро́ждши в телеси́ благо́е Сло́во, Егóже от се́рдца Своего́ Оте́ц отры́гне пре́жде всех веко́в, я́ко благ, Егóже ны́не и телéс превы́шша разумева́ем, áще и в те́ло облече́ся.

Моли́ Бóга о нас, святáя великомúченице Екатери́но, я́ко мы усéрдно к тебе́ прибега́ем, ско́рой помо́щнице и моли́твеннице о душа́х на́ших. (Поклон.)

### Молитва

О святáя Екатери́но, де́во и мúченице, и́стинная Христо́ва невесто! Мо́лим тя, я́ко нарóчитую благода́ть, ёюже предвари́ тя Жени́х твой, сладча́йший Иису́с, при́ймшую: я́коже посрамíвши прельще́ния мучи́теля мúдростию твоёю, пятьдесят вити́й победи́ла еси́ и, напои́вши их небéсным учéнием, к свéту и́стинныя ве́ры наста́вила еси́, та́ко испроси́ и нам оную́ Бóжию мúдрость, да и мы, вся ко́зни áдскаго мучи́теля растóргше, ми́ра же и плóти собла́зны презрэ́вше, досто́йни яви́мся божéственныя сла́вы, и к разши́рению святы́я нашея Правосла́вныя ве́ры сосúди досто́йни содела́емся, и с тобо́ю в небéсней ски́нии Го́спода и Влады́ку на́шего Иису́са Христа́, со Оте́м и Святы́м Ду́хом, восхва́лим и просла́вим во вся ве́ки веко́в. Ами́нь.